

Aulapkaiyiinni Naittuq

Una Iqqakut Qayangnaqtullu Iqqakut Munariniqmut Ihumaliurut (Ihumaliurut) piliuqtauyuuq ukunangga Bonito Capital Kuapuriisingat (BCC), inmiikkut nanminiriyauyuq havakvik Elgin Uyarakhiuqvinganit (Elgin) ukununga Ulu Uyarakhiuqniq Havaakhauhiq (Havaakhauhiq) angiqatigiikhimaplugu Imaqmik Laisikhanga 2BM-ULU0914 (Laisikhaq). Tamna Havaakhauhiqvikhaa Kitikmeonmi ittuq Nunavunmi 12 km tununngani Hood River uumanngalu 150 km tununngani Lupin Uyarakhiurvinganit munariyauiqtuq ihuaqhaqtauhimayuqlu 2006mit.

Iqqakuuyut uyarakhiurvikmi havaakhauhiqtillugit ilaliutihimayut iglumit qayangnaqtumitlu iqqakut, kuviktuqaqqat, halumaiqqat nuna. BCC ilitariniaqqait piiyaqtaqlugit atauttimuuhuriami iqqakungit aallatqiimut. Tamarmik iqqakut, niqit iqqakunngittunik, tutquqtauyut 205 liitamik qattaryuknut ikualaarvikmut, hanalrutiqrvinganulluuniit qanittuq igluqpakmit. Iqqakut agyaqtauniaqtut Yalunaimut, Nunatsiaqmi tingmitikkut. Pittaqqat, BCC aallangmungautiniaqtaik iqqakut ikikliyuumiqlugit, atuffaaqlugit atuqtauffaarutigiyauyukhanullu piluni.

Qayangnaittut iqqakut aallamungaqtitauyut atuqtauffaaqnaittunut, atuqtauffaaqnaqtunut, ikualaaqtaaqut ikualaaqlimaittunullu. Ikualaaqtaaqut kayuumiittunuamik iqqakut niqivaluit ikualaaqtauniaqtut huratjanik qaipkaqtailigiami. Ikualaalimaittut, kayumiittunnuamik ikualaaqtaaqut iqqakut ikualaalimaittut ihuaqtumik aallamungaqtitauniaqtut, tutqumaluni pittailinnaittumik huratjanit agyaqtauluni pingahuuyumut ilauyumut piyakhaa Yalunaimi, Nunatsiaqmi. Halumayut qayangnaittut ikualaarviup aryangit atuqtauffaanginnarialik uyarakhiurvikmi pipkaitjutigiyakhanganik. Quuliqpiamut pittaaqqat, havigaliit havigalitlu qattaryungit tuyuqtauniaqtut atuqtauffaarianganik.

Halumailruk nuna kuvipkainiqmit havaktauniaquq angirutigilugu *Ulu Gold-mik Havaakhauhiq Kuvipkaiqtuqaqqat Qilamiuqtuqaqluni Ihumaliurut*. Qayangnaqtut iqqakut paatuliit, ikkikhait, halummarutit, hunavaluit piqaqtut mercury-niklu, minguitit, urhuqyuat, naqitaqtautillu, niuviqtauniaqtut, tutquqtaulutik, titiraqhimaluni, iqqakuqtaulunilu angirutiqarluni iqqakut ihuaqtumik naunaiyarhimayuq uumani Ihumaliurutimi. Qayangnaqtut iqqakut ihuarhaqtauniaqtut tutquumakaffukhimalunilu uyarakhiurvikmi ihuaqtumut tutquumavikhangani.

Tamaita iqqakut agyaqtauniaqtut angirutiqarluni pittaaqtunik maliktakhat ihuaqtut iqqakuurvikmut ihuatqiyauyumut titiqiqiniqmik naunaiqtitaulunilu, titiqqallu iqqakunik munariniq hulilukaarutingit pihimayauniaqtut. BBC-mi havaktut munariyukhat munarininnganik iqqakunik ayuirhautiyauniaqtut.